



康對山先生集卷之九

七言古詩

將餞明叔值公垂至不果先寄明叔

欲餞美人詣彭麓更值故人來
潁西藍輿已駕復自咲咲已入門還索題
晨來鳥雀噪不止豈憶佳期忽
如此呼兒洒掃開東堂漉酒徘徊意
彌喜人生會合誠獨難誰謂相逢倉卒間
東谷主人且微憇明日共汝遊南山

華山篇

華山高兮幾千仞煙雲終日橫
其巔中有仙人受靈

藥刀圭入口壽萬年天方先生紫霞吏下謫尚有雲
霄思榮名耻逐世人機高風獨耿昌明世歸隱忽經
三十春賢郎頭角更驚人文章已可報
明主林壑何辜自在身聞君欲訪蓬萊祕萬里天風
豈難致歸時尚過華山頭與君却話希夷事

岐東宅聽歌

予醉鳳泉酒汝歌羽調詞調聲轉迫已知異過度綴
吟應自竒岐東主人喜賓客留我更出黃金卮金卮
更出從何始千呼萬喚金陵子綺坐都鋪麴醴香
塵細逐雕梁起仙姿豈用粉黛粧羅衣不受東風靡

坐客徒驚玉貌無當歌誰辨希聲美岐東岐東君自
知此子此歌令我疑不知東山謝安石所携與此誰
妍媸

疆場村

渭南西北疆場村無數桃花開華門高陵到此已卓
午滿路風沙愁斷魂去縣尚有三十里僕夫嗷嗷默
相語地慘天愁行路難豈知主人心更苦五字先拚
數莖鬚千金不及步兵厨太微處士興恢闊高風常
候城西隅何時身坐少陵洞共渠細倒水晶壺

題王秀才牡丹圖

何日到吾家牡丹應著花開圖一見興已發遙似當年宴紫霞雕欄不受春風抑綠葉紅蕤舞風力終日迴旋不肯休根株苦披丹青匿遠路遭洄銷客心夢魂惟在草堂陰牡丹牡丹吾語汝三月八日始穀雨
夜宴孝夫宅

憶昔正統天頃間渭南薛丈同先子關內通稱夫子名二老實為天下士以此通家數十年善行嘉言時在耳後嗣全如兄弟親前脩自篤謙恭禮往歲逢君巴蜀歸厚意遙遙還若此愧我踈慵未敢當聞君談論心私喜

盛世自宜英邁人迂儒豈識經綸理蕭望難居侍從官賈生肯與絳灌比司馬逍遙忽見疑誰知中道生萋菲治君無能返異才看花尚切群公齒丘壑徒深社稷憂

廟堂獨忍乾坤否春暮閑遊少華峯逢迎幸辱賢橋梓握手那知感慨生醉歌不覺稀聲起君臣之義君莫忘還期三月下和陽用舍自為大臣事顯晦豈為吾道妨君不見崑崙黃河天上來銀濤雪浪如山摧不遺涓滴盡入海誰謂海門開不開

南谿泉池歌

此池故無許今來心自疑泉源不為后土抑特與幽
居扶勝竒水北主人冰雪姿携我每來遊此池往時
坐弄已適意即日行吟尤所宜玄靈本自灝天坼佳
處獨令豪俊知君不見秦嶺以南水無數洶湧滴蕩
誰更嗤愚公之溪一掬耳此水此名非公誰

閻家渡同呂王二君作

美人約我遊湯泉明日同之清渭川日中我抵閻家
渡不見美人心自憐嘉興太守清狂客肯使相逢倉
卒還天昏雲暗古道澁思君不來空佇立金銜白馬
一夜嘶青尊碧碗嗟何及達旦不寐芳意衰空庭露
下蒼苔濕明星漸低人漸喧起來翹首望西原原頭
不見車馬下戶外空聞鴉鵲繁

南墅草堂

南墅草堂春可憐我來坐之心灑然名花芳草秀如
織翠壁蒼崖當坐懸主人本是清狂客築居故與塵
氛隔興來吟望夕未休素心淵思誰能測坐間嘆汝
青雲姿正好彈冠向盛時胸中已富書萬卷射策君
門誰更竒何為苦向此中隱笑殺長安輕薄兒君家
閑閱世無比襄毅高風貫青史兩兄一弟並雲霄憐
君尚且沉桑梓天子垂紳需俊才諸生奮翼秋風

堂山集卷之九
裏佇看四鳳起殺函豈獨光輝照閭里

陌底

陌底之南河北隈木未駢駢雙騎來褰輿致語意益
謹手出新詩若瓊瑰高陵夫子謫居此俗易風移世
莫比以我十年不覲情相見何須論卮匱

王總制維綱凱還歌

秋風清秋草黃胡馬橫飛矚河梁材官奮擊胡馬盡
幕下生致月氏王憶昔先皇全盛時六龍結駕親出
師朔方健兒佩金虎人人思奪胡馬騎胡來趲趲其
旋如雷萬夫發弩不能一摧豈知神武本不殺喜功

不至胡為哉吾聞天子之守在四夷爪牙之士皆能
巖朝中但有荆山老莫怕邊風疊鼓鼙

春莫嘆

今日復春莫芳華能幾時今人不見昔人樂今人之
樂昔豈知巖泉沸沸沼翠微我坐溪頭看絮飛輕颺
依約杳無定明日相逢安可知去年謾作華山客對
食不能心自惜此時空作山中人閑情人事仍相迫
苦憶同袍三四君卽有稀聲誰更聞不如殺雞飲美
酒醉時遙望南山雲

答太微許西行

結廬事場藿徒欲食其力世人那能知謂我謝親慚
平生無遐思長往將安極種樹森森高挿天栽花謾
喜多穠色苟使徜徉終此身敢向長天振雙翼諸君
義氣如古人訪予幽壑滯芳春興豪那憚三百里筆
落欲掃千人軍君和紫芝曲我草比山文層臺日夕
雲霞動嘯弄清波漾綵紋廬女當絃歌白紵飛花飄
上石榴裙於時君醉我起舞空林鶯燕如相語眼底
韶華取次休人生適意能幾許往者閑遊翰墨場羣
公以我似班楊雕蟲徒使為身累安知山林歲月有
此長我家桑落近所少與君斟酌各千觴安石東山
已塵蹟後人詎識吾曹狂君不見葛洪苦慕不死藥
從令紅顏坐消爍長生有法遇者難不如逢暇先行
樂逝水無迴波習魚無縱躍徘徊歌汝濟西行却把
空鞵笑東郭

汧東執圃

我非漢陰叟灌園漳水東處世本無機巧心胡為桔
槔懸此中園丁再拜向我語此意千古誰可通舟車
亦是古帝作胡不辭去存古風言者自有託讀者自
無窮坂泉之戰至今誦安用區區矢與弓

九月十九日步過澣西

老夫今日來游西澗西景物何淒淒庭垣半倒堦地
折孤鳥嗷嗷深樹啼昔余治此望終老常携稚子尋
梨棗二十年來百志違山妻謝去兒復夭遺我伶仃
樂思無此身雖存骨肉踈行吟水際力已憊况謂能
生千里駒憶昔弘治歲己卯山妻結髮慈幃好兒女
滿前歡笑多朝夕承顏更何惱今日荼毒結我腸萬
事過眼俱草草繁憂苦人驅遣難因擁籃輿過此間
那知破碎忽如此今下坐嘆淚潺湲

古人慎恒節行

古人慎恒節今人重虛名蓋棺事乃定虛名終底成

年譜家乘死後物人人傳刻人人輕那知身去事未
地蛛網_青門親者避製作徒為覆瓿資喧轟真似兒
童戲臨風三嘆欲語羞丈夫處世何須是請看李杜
偃蹇徒千秋萬古安能弊

答趙翁

爾本幽棲者訪予何太頻共坐感君意因出澗西春
澗西春酒世難見與君斟酌寄情親昔年李白在宣
國往來惟愛敬亭人丈夫心事遠難說看爾豈是尋
常倫明朝莫惜再相過尚有甕頭三斗醇

雨晴

雨中看山好雨過山益佳笑予愛山久成癖竟日偃
蹇坐山齋山色穠淡俱有態變化不但雲與霾此身
安能生羽翼因之南去視丹崖神仙雖有法未得玄
鶴安肯降我階唯待勾漏鍊砂熟却共盧敖遊月街
費時懋竹屏歌

君家竹樹上千霄喜予東邁時能至戶牖常看拂翠
雲庭階每坐生芳思中主人逸少姿風流磊落誰
能似賓客如逢蕭史亦憑君莫話乘鸞事

送尹員外還蜀

去年五月二十三日

天德朝天德今年此日君

來更覺君懷有幽致豪俊逢時自古難羨君倏爾陟
清班苦心高節通明主鄙士貪夫俱厚顏坐我前除
話今昔頓令涸澤生波瀾君歸梓里晝衣錦不但光
輝照庭寢重來應是莫秋天再向西堂邀月飲

效賦長安美人歌

長安美人十七八長安陌上車軋軋錦衣縠袴坐樓
頭水精為簾玉為闌琵琶一撥心緒煩未竟梁州淚
已彈春門公子人如玉苑西寶馬金作鞍尋聲走二
樓中覓密語幽情附耳傳酒盃未醉羅幃暖一時已
盡如花顏可憐會少別離多別去匆匆三十年容華

銷盡不知處夜夜深閨空自憐

短歌行

青樓下暎垂揚道紅粧結伴尋芳艸脩眉照月翠雙
彎香撥琵琶笑春早五陵年少賤黃金一聽嬌歌意
便深千金願買芙蓉幕不願千金願一心須更樂盡
夜昏白歡去悲生心脉脉人生拘束朱顏飛翻羨幽
州胡馬客

送符上玉

太白蒼蒼渭波碧空林烟暝朱絲劇歸期應在菊花
天酌酒相看意安極此別與君心事違岐路紛紛欲

語誰相思每到曙光出愁見階前芳艸菲

別客

別君東去君馬遲白日青春安所之携榼酌酒古城
下急管繁絃心轉悲君不見世之男子重交誼忽謾
看時舊情異不如水邊楊柳枝年去年來綠相似

晚行灞水

昔行灞水踏芳艸今行灞水雪皓皓人生栖泊少定
時北去南來何潦倒暝色遙看下漢宮彤雲又見起
新豐征夫膚裂指欲落欲行不行悲朔風君不見道
傍古墓半傾圮知是當年誰氏雉

華陰逢朱孔明劉世常二子還武功

羨子老來還尔健微官能破萬里行人來忽傳近日
事我口不語感我情市井亦能領州縣儒生咄咄空
無成可憐世長亦白首少日雄心今在否仙郎俱熟
文字科不在君身在君後世事悠悠行轉難丈夫自
古蒙塵垢我今沽酒君莫辭人生百爾難遽知傷心
却憶塞翁馬不如且醉金屈卮

頌德別表弟拱辰

客車北去君莫留客心日日在西州滿眼空含秦陵
淚肯以富貴為楚囚君才俊逸應知此人生適意胡

不止後歲重陽予定歸當訪秦餘赤松子

真定王中丞院中有感

中丞論事久彌壯老至一生人未知有時慷慨盡微
細眼前豪傑俱堪嗤君不見一言誤國古來少衆口
哓哓空懊惱又不見美人登臺醜婦忌歲月悠悠水

東逝

擬短歌行

君不見城東少年遊青絲金勒凌五侯又不見城西
少年遊名姬麗曲當朱樓眼前有酒不知醉過去韶
華空自愁

催荷詩

主人新開西小堂種蓮欲見蓮葉長翠稍扶雨蒲池
出紅苞何日拆新香客至看花休索寞且向池旁作
胡樂嗟爾何不纍纍垂明日西風恐花落

燕歌行

浮雲森森銀漢明繁燈繡纈陳廣庭山林木落歸路
真與君相見寫平生美酒不御何所撻

朱門

朱門翠戶文綺車秦謳趙舞白縠紗堂前碧甕酒如
海醉後雲鬢人似花可憐不是幽州子擊毬舞劍翩

翩起座客俱誇轉折圓傍人那識便旋耻舊時名藉
場屋驚如今齷齪羞鄉里不念猶堪愛肉軀莫棄平
生容易死

符上玉携酒過澣西

故人騎馬來澣西鷓雞一雙親自提筠籠十魚錦鱗
碎村酒滿尊猶帶泥瓦盆斟酌夕陽下狂歌坐嘯俱
輕灑却笑當年陸士龍平生枉作風流者

聞故人楊用之有書付鄉縣親友責望賤子因
成小詩自見

故人念我長孤曠遠將携我雲霄上此意優遊情自

親寧知賤子甘踈蕩二十八歲對麒麟尋常不數江
都相治身妄欲比臯夔堯舜君民復誰讓自信絕無
一綫瑕何堪早被三夫謗謝役常懸萬里心還耕未
愜群兇誰以茲感嘆辭故懷隨時爛熳沉歌唱要使
終身罷宦情何妨盛節虧微諒阮藉窮途事已然謝
安東嶽同高尚截木何嘗見附枝驚禽自昔無留颺
粗懷每信絕櫻纏丹心肯致埋光亮卞生務子亦自
豪谷永揚雄是何狀揚修媚世素所慚苦節隨心死
無快君不見世間之水幾千萬異派殊源各東向丈
夫磊落苟如爾粉胸繡臆安能誑

雜詩

蘭膏欲盡山月明披衣起坐心未平憶昔別于邯鄲
城寒泉泠泠雲氣橫曲堂獨自誰共情珍珠玳瑁委
閒簾安得握手話平生黃金白壁咸所輕

與仲木涉武水登東原入韓店道中

春風薄林林翠浮繁泉汨汨旌纒游送子東行還故
丘傷心握手增百憂歲月何亟逝難留嗟余雙鬢今
欲秋燃燭夜話興豈休歡會何短愁何悠深山孤獨
少人儔中情交結涕泗流吳刀楚佩蘭桂舟我欲遠
去辭此遊驚濤怒石路轉愁強欲從之執莫由悲歌

忼慨意益謬誰識此音臨苗侯

新寨佛堂奉謝錢送諸公

群公携酒隨珍饌送余西去岐山縣雨晴轉覺天氣
新鳴條更識秋風面不須絃管心自佳况有清歌沸
堂殿酒酣欲起客更留隋陵山色與雲浮生年七十
幾時耳不飲令人空白頭憶昔供奉金闈日終南太
白徒為恤纏櫻難愜靜遊心投閒肯負山林逸此行
真已遂孤懷訪舊尋幽百事諧山人義氣多慷慨不
醉重陽定不迴

扶風西原逢張丞邦彥馮秀才顯庸携酒相送

因與痛飲樹下

主人愛客知客意遠出郊原待其至樹末徒聞尊酒
香車裏那猜車外事須臾向車前立含笑不言但
長揖誰家場面雙碁存展放杯盤出供給情真義合
今古稀入手杯空若鯨吸通遊本慕山水佳潛行反
被賓朋襲醉來與子各狂歌此日相逢如樂何君不
見原頭高塚映殘碑斷碑剝落人事非英雄馬寶今
安在惟有秋風吹客衣

聽歌

十年謁帝雲霄上等閒一省人間唱解綬重來隱舊

山始覺新聲能蕩漾清
空明夜坐誰知省絲竹
紛難定杳撥琵琶各相
悠無定勝過雲白雪空
總能驚四座當臺不必
絃換節移律呂意妙寧
諸公嘆息口不絕由來
之尋常在作風流客

八雲靜天宇澄寒月皎皎流
初翻已羨嬌鶯鳴鶯語燕
就小歌宛轉大歌驚抑抑悠
記聞柳葉桃心亦浪云歌指
和千人地主多情猶未許更
憂曲不新才高逾遣稀聲舉
調好輕顏色却笑當年杜牧

周公廟古楸行

岐山西北周公殿迴山
揖岫紛如靛殿前古木無數

交老楸鬱鬱當前面根盤后土誰能測柯動雲霄人
共羨風來掃拂剝山壁雪重崔嵬若驚嘯此楸植此
知幾年十人聯臂圍難徧斲皮怒起蛟龍甲鳴葉酣
同雷雨戰群公觀視各嘆息始知靈物非常見秋空
漠漠雙鶴來岐山千疊雲錦開覽時撫景雖多暇昔
日古人安在哉方今群盜各艸竊河南河北俱愁絕
焚灼渾無片瓦存參天那討孤標子豈係朝廷約束
踈由來長吏風聲缺徐李俱傳治郡豪蘇生亦是即
官傑保護須令盡細微扶持未可辭襟袂憶昔西周
全盛時越裳航海亦來儀熙功隆效今猶赫况在當

年親見之自從宸轉東周後王室削弱如培塿八百
徒欽寶曆長一綫誰憐延虎口我茲憇此百感生諸
公各爾負特名幸逢天子憂勤日好遣周公禮樂行
出周公廟觀望終南山

已出周公廟忽望南山巔南山崎嶇天下無終日紛
緼凌紫烟日夕逾覺氣象好千峯萬壑爭妖妍稍西
乃見太白雪嶇嶇屹峒尤孤絕半山橫出霞彩明一
路平連翠華揭山下看山山始佳那看清渭東南折
水氣蒼茫薄近林烟光蕩漾接層岑鳥飛鷺度知何
極古往今來空自深我愛太白山因逢太白叟短髮

垂垂被兩肩杖頭笑指駱谷口人生不得常朱顏車
塵馬足胡為走君不見建章栢梁惟土丘斜風細雨
令人愁又不見赤松黃石殫霞去至今猶向山中住
山中歲月不惱人碧州蒼溪日日春欲鍊還丹謝人
世無如此處問迷津

別湯逸人

知汝新從南嶽來可曾間眺葛洪臺葛洪仙去已千
載金鼎丹砂安在哉伯陽空有參同契世人不知皆
浪猜前年我見王子晉頗謂君為物外才聞君又欲
湘江去遺我誰同濁酒杯佳期渺渺空遲莫我望湘

江但烟樹道成煩語赤松君有書寄我雲深處

夢遊天柱峯歌

往與歌湖話山水為我常誇天柱峯此峯奇絕世稀
觀對之即可開塵胸昔者西歸舍峯下徘徊三日興
轉濃白雲不斷拄天碧玄鶴時棲迴澗松恨不羽翼
過虞阪并覽五老金芙蓉庚午季冬日在丑夢與歌
湖載春酒驅車忽至王官谷倚伏晴陰狀俱有瀑布
雙懸白玉虹輕烟淡鎖丹霞口內有仙人安期生笑
予陸海沉淪久袖中授我藥一丸服之壽可三光後
愧我東西南北徒身外浮名亦何有

華州贈王二

人生一別常十年百年能得幾回別相看慚大迹慚
踈憐君義氣無時竭眼底紛紛不可言諦觀誰是人
中傑當時長道看君才豈得尋常老岩穴君不見青
萍在匣塵土封不若鉛刀在手中張華拂拭夜衝斗
區區之器胡為有

觀輿菜

汧東種菜菜已熟數畝輿來不盈轂積陰地冷生意
微桔槔空自勞童僕連年種豆無一成綠雲滿地陰
雨扑家口嗷嗷三十餘此菜安能佐饘粥往歲寧無

堂山集卷之九
恒雨時不似今年太翻覆三月浸淫到中秋天日不
瞻魚走陸農家處處守場禾官吏紛紛飽梁肉深山
雪凍新不來男號女啼聲相逐水不潤下洪範嗔願
以波濤注空谷雨暘時若年歲豐我菜全無心亦足

對山集卷之九

康對山先生集卷之十

五言律詩

盤屋縣白龍廟明叔宴集

自畏客行久那知高宴張小杯遲兔魄佳會托龍堂
細雨暗絲竹涼雲護酒漿但拚今日醉莫笑楚人狂
郎事

白馬誰家子鳴鞭馳綠楊倡樓隣大道寶鐙炫流光
恣意延歌舞隨風詠鳳皇酒酣拔劍去平地若雲翔

送劉天澤官荆門

君向荆門去草堂春正初相逢皆老大告別又須臾

對酒慚元亮臨文羨子虛茂陵終愛賦休草絕交書
八月初十日仲脩見過

長安祖餞後倏忽又秋風伏枕憐三月微醫賴兩公
世人憎賈傳予意重王充努力趣吾道乾坤若轉蓬

釀酒

吾道仍須酒秋分釀更宜便當炊百石猶未足千卮
行樂年空暮聞歌日尚遲風流杜陵老傾倒是吾師

答明叔孟獨二子之贈

寂寞楊雲舍春風兩妙過新詩題素壁逸興入烟蘿
杯帶寒潭淺山臨夕照多尚能陪杖屨同坐滌東莎

懷太微

太微清苦士弱冠郎知名英氣千人廢新詩四座驚
愛身辭一芥當事陋諸生可惜龍光劍悠悠閉斗城

雨中懷德克

歲歲繁秋雨霏霏定幾時但能消酷暑莫問妬花枝
對酒開孤抱行吟得小詩嘉州何日至與爾足襟期

西原眺望

久坐成踈懶何曾郊外行凌晨錢征客佳勝偶相迎
山自岐梁合雲從鄜杜生始知歸鳥賦不是賤功名

渭南道中

雲霾千里合風霧益駸駸忽見征衫濕方知春雪深
新豐非舊酒繡領得微吟應咲歌湖子知予物外心
病中喜德一德清兩弟來問

吾弟遠相問老夫安用憂開籠尋藥物倚榻嘆淹留
華嶽歸非暮長安醉不休已令嚴風駕還到許西丘
答伯循

抱病卧林壑思君安可親忽蒙枉書札便可慰心神
曲藝竟何益虛名常愧人汧東有垂柳堪送百年身
有懷金可卿

懷人那可見幽思欲三更隱見草堂月短長鴻鴈聲

關河千里意畎畝一生情何日同君去因之游山屏

喜仲默至

二月高陵縣逢君發慶陽十年方邂逅百歲幾徜徉
詞賦名須久安危望已長青尊今夜月好醉許西堂
歲暮

歲暮自行酌蕭條誰共吟江梅還不吐霜髮獨相侵
愛弟書難至山妻病苦深何當乘羽翰飛向海東岑
懷明叔

往歲終南下同君足勝遊沿溪看碧巘乘月步丹丘
一日歸城市十年殢去留空將百壺酒未解寸心憂

堂山集卷之十
三
六月十六日醫士湯貢之來訪持粹夫二月十
六日書問訊委曲未云關中諸友猶得時會
此中知己甚少乾乾獨處懷抱可想也感而
賦此以寄王大敬夫

粹夫豪傑士別我十三年偶出湯生訊因嘆綺老賢
高蹤無繼步偉論有真傳王屋神仙窟君應友列仙
彭麓山房和白坡提學與諸公見過之作

返耕得茲麓習靜欲長年山水向春碧烟霞當暮妍
結廬垂四壁枉駕辱諸賢遣興沽村酒呼童鳴綠絃
中秋喜明叔見過

長空雲翳靜今夜月偏明且喜高人至猶憐湛露生
金波搖桂影彩鳳落瑤笙瀟洒王夫子飄飄共此情

八月十三日得北山楊宗文書至言於此月十
一日生子志喜

北山今有子足以慰吾私每兆麒麟夢猶難棠棣詩
鬼神須監德儀儼必逢時明日應西問馮君辨曲卮
再次客夜一首柬明叔

客夜人寥落孤燈暗復明白風喧戍角簷雨雜蛩聲
君固能恢闊予當媿友生更闌渾不寐徒倚益含情
寄明叔

兩月音書滯連宵夢寐長喜聞徵伯子驚看識王郎
不覩南山賦安知北斗光庶情須爾爾含笑問長房

夜坐三首

積雨踈人事閒居自課詩入秋更漸來遣興坐還遲
謾道花開圃應憐酒滿卮平生蕭散意還許世人知

其二

老去多清暇探竒咲葛洪乘風人已遠捉月事還空
但使杯常綠何妨頰未紅谷神如不死吾欲扣鳴濛

其三

入夜雨還微更移勢益霏千山暗雲氣萬彙萎郊畿

飽食誰家粟號寒此處衣新來炊爨急先已決雙扉
有所思

繫自辭京邑遥遥十六年婚姻謝兒女遊眺歷山川
總謂人聊爾誰知事偶然憂來唯灑淚魂逐夜臺邊

覽鏡

愁裏窺明鏡驚看白髮多行年自驅迫服食謾如何
有分終巖穴無機任薜蘿平生憂國志何惜酒中過

寄北山

水北花無數同誰挿坐邊三旬憂積雨何日覩晴天
鄭谷空炊玉廬山謾學仙新詩饒卷帙孤獨自應憐

耳隴次杜工部韻

行年四十九颯颯若衰翁涕淚雙晴暗虺虺半耳隴
壯心隨日改佳興逐杯空隔障聞山鳥何時見此風

后稷廟

閔殿疑千仞崔嵬當半原蒸民皆爾粒萬古復誰尊
碧甃連朱厦蒼松偃應門遺封嚴伏臘鍾鼓日喧喧

綠野書院

不到幽棲處悠悠將十春古堂懸見日靜地寂無塵
俎豆思周禮威儀憶魯蘋愧非程伯子何以坐松筠

閒行

四望皆秋水山川處處迷饑鳥穿穴叫老馬向人嘶
漸漸傾花塢茫茫損藥畦村翁猶愛客邀我竹林西

閨思

辛苦邊城士寒衣近有無愁多腸自斷怨極骨先枯
胡虜輕金甲征人畏玉符紅粧零落盡極目望歸途

邀客

舊日追遊盡蕭條幸有君無能消宿雨未可怨朝雲
燕市茱萸酒秦樓翡翠裙共來拚一醉應勝隔牆聞

對菊

不必開三徑聊供一檻幽雨中嬌覆砌愁裏豁當眸

暫歇登山賞聊同逐隊遊可知嘉定客今夕為誰留
九月六日

日日常霏雨黃花空自開未能携社酒猶自望秋臺
照檻金莖發關情白髮催如何雲際月不向九衢來
行酌

小酌從吾志簷花更拂簾已深多口慮空望有秋占
雲冷郎官烏霜增處士髯庖厨昨日問無復水晶盃
客至

客至傳鸚鵡秦娥喚不來隔年留洛賦幾夜宿陽臺
罷舞織羅濕還歌玉樹開白頭慚料理更鼓莫相催

吹笛

吹笛誰家夕關空此日聽懷人俱萬里當戶獨三星
怨切姜肱被聲流謝氏庭憂來悲自語何物信飄零

清秋二首

舊日風雲志中年亦漸違事因萋菲散人豈咲談歸
一旦何輕重千秋有是非未為南嶽使當守北山薇
其二

忽憶龍潭水噴迴氣轉深虹橋應漸沒鳥道亦空尋
歲序催予老風雲殫客吟可憐平子賦不是舊時心
漫成二首

閉閣三旬久追遊路復泥啓簾欣見日常砌咲臨溪
漉酒延村叟烹鷄待媿妻兒童聞客至雙鯉向堦携
其二

日返柴桑里時時有勝遊素秋皆殢雨佳節總堪愁
此日能開霽重陽得款留便須整絲竹沉醉滄西丘
對客二首

竹憐吾懶尊壘待汝來片雲霄漢沒叢菊小籬開
雨難相過當歌莫設迴請看秋草色黃滿建章臺
其二

日衝泥出聞君在涓園未能同小坐空擬駐高軒

夕野牛羊散秋山麋鹿煩漁歌晴自好歸路逐喧喧

對月

來日重陽節霜華又一年薄遊慚貫酒高會卽登山
對月添幽興臨風敞夜筵奚童識吾志先具泛溪舡

九日

秋後仍多雨霑霑竟不晴豈知佳節至倏使曉山明
南眺褒斜谷西看三時坪微吟拚旣醉或可答平生
得羨陂子書

故人書札到訪我暮春天屈指幾時至寸心終日懸
賈生湘水賦李白太山篇此意淒涼又非吾誰可傳

次張闇夫見過之作

獨好中林隱因家清渭川園開溪盡處山合水西邊
曲藝明時棄長歌稚子傳已深疎曠志不是欲遊仙

同胡世威坐話

羨爾烟霞客常來慰老夫丹砂休自秘玉笈故難誣
春老安期樹雲深郊子壺何時歸小有為我饌雕胡
自丁多雨累月不至許西今忽晴霽得遂所懷

偶成

掃榻開珍宴微歌當素秋山含斜日翠亭對晚雲幽
壯節摧霜鬢年華逐水流憑高時極目車馬憶嘉州

雪後至許西別業懷明叔

咫尺樓連地經冬未得過豈緣閒日少故畏朔風多
雪霽看巖立雲開扣竹歌遙知東谷子天上已鳴珂

送翟鍊師入蜀

汝從南嶽至早晚發君山定有長生藥應留童子顏
白雲巫峽道紅葉益門關此去逢元放匆匆莫便還
坐五楸亭

亭上秋風至階前黃葉多寄情聊有什破悶且當歌
野老送杯酒厓陰下薜蘿年華如此逼撫景柰愁何
十日夜喜南川至

謝邑歸桑梓欣能及孟冬笑談俱爾雅脫畧見優容
有弟苟如此為兄未是窮擬令逸士傳千古嘆荀龍
答孟獨兼問明叔

忽憶南山賦驚者又入冬幾時同倡和此日見從容
彭麓酒方熟經臺興復濃不知河內客早晚到雲峯
小齋圍爐次浩然韻贈太微

關輔知名士惟君才獨雄何當垂老日重見古人風
懶赴宣房詔虛勞漢使驄平生經國意微見笑談中
同太微登稷廟觀眺

爰爾素心者同來吟翠微川原餘霽雪臺殿宿晴晞

掃石探杯文辭雲過雁稀夕陽雙響一惻惻與心違
十七日夜內宴

雨後坐中堂熒熒燈燭光佳兒能索賦舞女競催觴
老境情無賴閒身醉不妨夜闌明月上逸興復徜徉
夜酌

東風催暮雨忽忽到更闌自喜林花拆誰愁溪路難
瓊漿濃碧椀羅袖怯春寒舞罷燈前立雙雙揆紫檀
送陳伯行赴高縣典史

長亭一杯酒念子欲孤征久識驚人論誰憐出世鳴
瘴烟巴子國賓布灌江氓若過眉山下休嘆芳草生

二月十一日同德克弟憇潯西觀杏花因共小酌

出郭望精舍滿牆皆杏花香風當戶合艷影入林斜
日煖烟生玉春晴錦映霞興來呼酒坐不必問年華
經符園

憶自前春宴經年未得過月當高會朗花向曲闌多
野老傳杯酒佳人奏艷歌無端殢人事西望獨蹉跎
贈應章方伯赴山西巡撫

自到關西日間關忽六年山居憐數過薇省見三遷
又向雲霄去空悲几席連河東凋弊事太約似秦川

曉過汝言宅

高宴出春盤朱簾護曲闌我為鷗鷺侶君薄鷄鶩冠
喚伎調新譜呼童滄紫團金杯莫傳子渴有蔗漿寒
扶風訪張邦彥不遇

子謝晉陽役予為江海人烟霞息壯志瀟灑絕氛塵
久識還丹論慙非辟穀身相尋不相見空望白雲濱
龍尾坂

籃輿度龍尾陰壑晝生寒不覩山川壯安知天地寬
小橋舒細柳春澗漾鳴湍方憶浮丘叟巖西下鷓冠
夜坐聞歌

靜坐聽歌聲絃危調轉清寒泉晴濕玉春樹曉啼鶯
倚和慚予拙悠揚感客情白頭誰料理聊且慰愁生
道中見洛陽女子戲馬

別院醉羅衣籃輿返翠微蛾眉嬌戲馬驍騎疊爭飛
平野融沙軟春郊淑氣圍知非乍柳日端送老夫歸
鳴岐宅同岐東宴集

復過鳴岐舍還聞燕燕音佳辰須盡醉華髮已相尋
大覺憐蕭寺還丹想杏林古人今不見行樂任吾心
薛陸鎮望昭陵

北望九嶷殿鬱葱臨閔宮鳳姿猶厚土龍戰咲辟維
未覩真王畧安知至德隆回思慶善堂未述與大風同
張村西原

此原吾復到東下入張村濁浪吞風起穠花映日繁
人烟從望密生齒越涇蕃喜見西嶮樹依稀似石門
安陽屯徐家少憩

名家吾屢至春日苦多風舟楫臨交口塵沙似洛中
小園翻落絮芳樹墜殘紅坐愛草堂靜籃輿奄復東
渡渭

吾亦愛滄洲春風信所遊不須歌桂棹渾勝坐蘭舟
濁浪排風起輕帆及岸收稍乘瞻太華遙在碧雲頭

望山集卷之二
十六日南川月臺集

此夜對明月聞歌引興長
可憐千里意連接數宵光
爛醉何妨老高吟豈是狂
年來筋力索欲共學雲房

望渭南

渭南烟霧裏黯淡若為看
嶺樹低籠日山風遠送寒
水曹猶有宅民部欲無官
可惜姚江守春風會晤難
過劉水部故宅

水部風流士修文亦有年
重來還問訊孤坐更淒然
孫子猶儒服門墻托市廛
向時豪爽論誰為世人傳
望驪山懷孫天佑

客過驪山下悠悠懷故人
可憐三載別又復一年春
綉嶺花將發西村柳更新
白頭思往事吟望欲傷神

華清宮

輦路黃塵滿宮雲夕漸生
一祗今瞻碧巘不復見朱櫺
勝地存王畧離宮餘令名
不知戲下泣可似華清行
涇陽道中懷樊君

官舍草初青君應坐小亭
高吟誰共續偉論我常聆
莫歎馮唐老終期阮藉醒
由來丈夫志唾手出青冥
望歌湖城東別業

自出華山道時時懷此翁
名園春定好佳節遠誰同

社稷思君實文章歎季通望中歡喜極若坐小樓東
滄西夜歸

暝色暗川原籃輿返賁園野花迎夕露新月照秋軒
醉覺綸中岬吟憐鳥語誼匆匆百年裡佳節幾扳援
陌底別徐伯傳

君欲山東去將行復送予通宵談陌底傾蓋意誰如
汝固雲霄士予空潦倒儒秋來若騰踏早寄老夫書

對山集卷之十

東對山先生集卷之十一

五言律詩

鹿苑懷太微

鹿苑何王殿明時尚賜秦芳林春
礙日幽草晝眠麕
猷畝餘生計乾坤信此身西京誰
欲賦韋曲有詞人
望龍池懷汝濟吏部

小殿俯芳林丹臺挹翠岑重來慰
好興孤眺愜春心
特序關華髮丘園愛短吟如何韓
吏部已放二毛侵
至薦福寺

遙望薦福寺脩脩松檜林偶來瞻
寶地閒坐淨塵心

塔影冲雲直檐花入座深老僧新出定迎望薜蘿陰

望廓

客謝鄧橋道逶迤紫閣陰雲霞餘夕照花柳暗春林
燈火城中出星河望裏沉不知王逸少何處賞徧深
春雨亭與羨陂子閒坐二首

結構俯春林菲菲草徑深我來題素壁君已出豪吟
日轉花移座風輕柳映岑清音依約裡竹外有鳴琴

其二

迤邐逢良覲胡為感慨頗笑談終永阻耽殫及芳春
押座織羅密當歌翠袖新窮通百年裡何異夢中身

水北山房二首

水北君歸隱于今十五年山疑杜陵曲地似岳陽川
樓閣參差裏亭臺煙靄邊鳥聲聽不盡花底有鳴絃

其二

去日予過此群公半已無往來成感慨時序別榮枯
翠篠依岩茂朱英接座敷更看回合處烟霧暗薜蘿

山寺二首

翠壁天關迥香臺絕磴開偶來瞻勝地還欲眺層臺
西北秦雲渺東南渭水迴終當謝人事結屋傍巖隈

其二

石樹懸雲細禪堂伏檻微嶢岩一逕度哀壑萬山圍
仰視天光狹遙聞瀑布飛循途歸近晚香霧濕人衣

過伊歿

過澗復東征村烟裊裊生綠陰雙樹合紅日半岩明
老境多遊覽長途厭酒醒惠連詩思逸合伴阿兄行
經暖泉宅

二曲交遊客如君信不多良時違笑語荒塚已烟蘿
浹落題詩處情懸駐馬坡謾看憂樂事千古一南柯
十四夜白閣宅宴集雨霽見月

此夜中秋月依然入座圓儘拚埋積雨還自揭高天

綴葉明珠露窺簾落綺絃莫言光未滿先醉酒如泉

午霽發彭麓

復從車馬去何以遂襟期始信山林趣全歸燕暇時
霽雲隨望薄流曜落秋遲不及東巖子常啣濁酒卮

過春雨亭

再過此亭下森疎真可人樊壻俱勝昔花柳忽如春
總得林間趣偏宜物外身修篁軒後出何啻萬竿新

夜坐

夜坐欣聞霽飢鳥猶自啼山風吹白霧潦水截虹霓
不寐看星斗因晴想杖藜西堂如散步還擬作詩題

夢覺

夢覺蛩吟夕看雲雨脚收此時真可惜昨夜不勝愁
秉燭看兒女呼童貰酒籌明年冬十月仍放戴逵舟

寄蔡承之

懷抱勞深問慙懃出報章林間成獨賞海上得仙方
但覆杯中物從教醉裡狂无能聞磬欬惻惻使心傷

其二

歲暮盧君宅同君意亦悲此時常涕淚何日更追隨
即有賡酬侶都非藥石資夜來看副劄傾首得吾師
禹夫携酒過訪

我阻西風雨君常貰酒過談玄情不厭炊玉事如何
梧影團珠露山雲徧絳河醉時還起舞安得魯陽戈

陂頭

回首雙流細森疎萬木長遠溪蒲粉落夾路稻花香
所向皆殊絕平看却渺茫幾時同廓叟伐竹構茆堂

十二日早

歲華吾亦老兒女喜俱成漸了人間事那知世上名
綠尊麾更酌郢曲唱還賡為問王夫子還應共此情

答太微贈予遊華山之作

予游太華去感尔贈長吟豈必方平技方知曼倩心

午烟迷素澹夕霽帶長林若問西歸口煩聽笙鶴音
寄孫成夫成夫有書予聶華州東之言欲寄問
於我恐以險夷見忌故寄此詩

成夫為別久相見杳難期俱是栖林麓何勞別險夷
入秋書屢發經歲夢應知近見工曹掾慙懃托此辭
華陰道中

素志在山水尋常懷此峯地闕青玉障天擁翠芙蓉
昔別猶彈劍今過忽杖筇從來丈夫意乖蹇日相逢
贈平田

不見平田子匆匆已二年再聆原理論應笑養生篇

晴日園花細春風榭柳懸不知遊樂處誰是竹林賢
與太微夜坐

小酌初臨夜聞歌心轉驚風流得吾子瀟散見平生
韋曲花應好甘泉賦已成憐君抱奇器不肯戀時名
臨川寺與鄆令王念覺夜坐

多君省春野逢我遇仙宮共宿溪邊寺因逢河上公
絃歌興漢邑恭儉繼邠風更聽憂時論何慙砥柱功
至張氏庄

仲春今日盡吾得始旋東偶坐名園下猶疑金谷中
柳絲嬌欲綠花片落猶紅酌罷吾將去呼兒理玉駘

再用羨陂韻答希大

羨君天下士猶戀碧山遊
羨玉休輕售明珠肯暗投
秋風桑柘里晴日鳳凰樓
語及箕裘事生兒已食牛
是日將晡東谷方致問于予
尋得延孫來報病
且亟矣亟趨眴視則東谷已矣
追惟初戲變成
瞬息九歲孤孫萬年長計舉目痛心
踞人不堪
况此骨肉口占短章以識孤痛

方為一咲謔遽作百年歸
孫子孤猶稚宗親遠更微
重淵无返日兩地有音輝
遺我關心淚淋漓若可揮
靈寶逢劉養和

君向甘泉去予方滯虢州
再來總一見為別已三秋
回紇終當慮邊關亦可憂
屯田有餘論及早達宸旒

靈寶哭楊象先

楊生風雅士愛我忽忘年
此日修文去何時馭鶴旋
靈光還五岳寶劍挂重泉
埋玉秦山下予來獨泫然
同徐文華南汝澄夜集

旅邸接高賢青尊開夕筵
徒歌燕市曲那復廣陵絃
潦倒嗟予蹇風雲望汝騫
平生憂國志應為老夫傳
栗為許邀萬柳庄集夜坐率爾有懷

汝向名園去佳遊興若何
柳溪須對月花塢且停歌

不寐杯空瀉微吟思轉多老來心數豕徒倚立庭柯
靈寶客邸逢慎之

客滯燕臺久春深時到家異鄉驚見汝歸思渺无涯
但酌弘農酒休言杜曲花我來應首夏知剩幾枝斜
柳溪

坐君柳溪上日暮杳忘歸春色連芳草曦光近翠微
喚漁出尺鯉命酒上層磯乳燕亭陰過雙雙拂客衣

贈德章

今日辭予去幾時復見君柳條生嫩色池水漲新文
賤賤何須道聲名不厭聞王官有佳勝泉石與君分

同仲木重至沂東二首

漳曲天將夕臨風興益稠裁詩得妙句命酒失春秋
細浪從魚躍殘枝信蝶遊不緣景物好爭使謝公留
其二

胡床坐柳下何幸得清陰拂霧來山鳥乘風鳴水禽
人開心自寂花益景尤深童子傳鮮鯉遥遥過竹林
蓋屋別仲木

爾向終南去予當渭北歸名山不謝客勝會動相違
握手情空切看花興已非思君何處急明月下春扉
元日于奉天謁邃菴先生

旌節三邊至風霜萬里勞
犁庭報明主却步是人豪
京口停歸楫螭頭卸錦袍
平生只如此深足慰時髦
二日醴泉道中

曉發醴泉道依依瞻九峻
古人已陳跡後代想休風
帝業紅塵盡皇圖紫電空
勞勞亦何事嘆爾萬夫雄
于醴泉再別遂翁

義分詎云盡嚴程難久留
世人皆靡靡夫子獨休休
際昔垂青眼于今已白頭
願將百年意早赴五湖秋
自王官谷晚至延祚寺呈謝劉二君子

香梵予來晚沿溪歷漸深
祇林餘夕照碧殿俯春陰
啼鳥催幽意落花淨客心
猶憐函谷月不傍老夫吟
同方山龍谷於延祚寺曉望五老峯

旭日香臺靜依稀見遠峯
蒼烟迷度鳥碧水遶寒松
小華名空誦方山賞詎逢
雲間聽笙鶴荏苒遠塵踪
五星湖同謝劉二公汎舟

昔懷雲夢澤今汎五星湖
艇向林稍入漁從水際呼
榜歌驚遠柝山色壯雄圖
即此歡无極何須歎逝駒
寄題中尉南溪

中尉 文皇裔南溪近築居
探竒趨鶴駕覽勝命巾車
雨過寒波淨風來細浪舒
平生愛幽討對此漫躊躇

踏

靜林寺別張秋官康甫張侍御運夫

勝地堪攀賞欣從二仲行湖光翻白浪節序入朱明
小徑風沙合層臺烟霧橫沉沉靜林寺若可學無生
微雨獨坐憶德充

雨中無客至獨坐試微吟忽見桃花發已知春事深
芳香浮綺席佳氣滿芳林明日同沽酒携君眺碧岑
春暮同舍弟德充德一邀邦獻通州季醇朕吉
季隣三進士及齊人天爵同遊何秀才凝之園
林二首

追遊春欲暮眺賞得名園喜與英家集欣觀花卉著
歌兒嬌送曲野客醉看原如此林泉勝何須羨鹿門

其二

絲竹聲如沸清冷酒若泉總能拚爛醉猶恐負韶年
幕燕青羅細窺魚碧荇圓竹邊雙鶴唳迤邐似遊仙
德充邀諸君泊予宴集北園三首

復過此亭飲那知入夏初小籬梅間柳曲徑水通渠
竹裡移歌扇林間下鹿車徘徊天欲暮握手重躊躇
其二

老境宜林麓晴川飲興饒青娥擎鳳管紅拂度鸞蕭

嘉樹濃陰合崇巖細靄飄謾看花下客雙鬢欲蕭蕭
其三

翡翠林間度黃鸝巖外啼吾生非落寞佳節好攀躋
興到呼童舞賓來聽馬嘶許西春酒熟明日更提携
再過何園

頻遊非殫酒良覲自難常老境憐予短高懷羨尔長
川原留夕照亭榭尚餘芳願盡今宵興休孤月光
聞德充在北庄詩以問之

今日聞君駕樓遲向北庄偶然貽問訊聊尔得徜徉
結屋依巖好栽花入檻芳落成煩及早吾欲載長房

贈李鍊師

子有青萍劍寒光逼斗牛頗嗔接見晚仍喜坐談優
操術无勾漏探竒得秘丘他時遊五嶽笙鶴任淹留
聞望之來

候吏傳佳信慙懃望使車好懷知乃爾豪飲近何如
細雨沾征旆高風憶上書憺來瑞雪氣先到隱君廬
江景

昔經涑湖水今憶武昌遊萬艇雲中下三江天際流
漁來青草浦鴈度白蘋洲應咲浮名客勞勞日未休
二十七日遊諸公賞花呈姜明府

昨日牡丹發，慙慙遲客看。不嫌村酒濁，只恐籃花殘。
雲濕鶯聲澁，風高鶴背寒。仙鳧知欲下，徙倚立層巒。
泝東亭子閒坐二首

前日清明雨，予來坐小亭。烟雲千嶂合，楊柳一川青。
座上傳鸚鵡，尊前醉醪醕。角巾經濕墮，轉見意娉婷。

其二

堦前芳草綠，環坐如鋪茵。况有青蓮幕，偏宜烏角巾。
經綸違壯志，萋菲得閑身。不作醅醕飲，桃花亦笑人。
贈惠逸人子新

昔遇太微子，謂君吟思清。芙蓉出秋水，沈澹浥金莖。

既覽旅懷作，益憐時輩名。予將宅王屋，挈汝嚙雲英。

三月四日自家抵湯泉宿山亭

夜壑奏奇響，客居非寂寥。曉窓浮曙色，淑氣映春朝。
放志非巢許，安居托舜堯。西崦望樵採，彷彿在雲霄。
湯泉亭子小坐

山雨幸初霽，微風猶峭寒。峰高常帶雪，湍殺不成瀾。
野鹿含芝過，山鷄隔竹看。碧桃多半落，若可奈春殘。

真空寺

拂霧尋山寺，藍輿上轉輕。曉雲生石細，旭日映巖明。
梵磬遙空出，天花夾路迎。何須似摩詰，方是學無生。

石上獨歸

石上看山坐興來仍自吟落花知客意故與報春深
尚有草堂酒慙无鄭谷音聊將拚一醉和月卧雲林

步月

翠岩微雨後月色轉堪憐映水光逾晰當空魄未圓
步簷歌窈窕倚杖問嬋娟若肯分靈藥予將待石邊

寄彭將軍

聞道西寧帥新來節鎮雄
凋弓射胡月宛馬憶秋風
自欲天山靜誰希漢將功
九重有徵詔應下建章宮

簡閻華州

雨霽山逾翠聞君遊華峰佳期吾屢失逸興子還醲
尚待三春約同扶九節筇直教凌絕頂細玩玉芙蓉
壬辰三月一日步過許西看花

又是花開日子來愜所思芳香初破萼穠艷尚含蕤
滿酌休辭醉高吟尚有詩春光如愛客暫待最高枝
贈相士戴鵠兼訊承之

君豈九齡後翩然幽思多衰殘吾已矣骨相尔如何
果有徐卿兆當為杜甫歌東歸逢蔡老為語未蹉跎

寄熊子修

獻子中州彥才名世不如左遷得吾郡上論有公車

康濟原初志文章亦緒餘憫予垂老日數到問兒書
贈陳際豐

昔年遊涑渚聞子在河東恨不承高論徒令挹下風
名因安蜀起才以濟邊克珍重隴西去人方仰晉公
王季隣瀕行阻雨喜而賦此

嘉客凌晨去秋霖故故留昊天如有意野老復何憂
却恨朕違久无能繾綣遊看雲歡欲倒喚婦且盤羞

寄汝和之

偶遇清溪子因知達士心雙魚勞問訊千里欲追尋
秋水澄湘澤春風發鄧林何能坐益海令我識知音

寄崔石門相國

今日汧陽發知當宿鳳翔中秋亦何幸同子浥清光
巖外來旌節雲間下鳳凰白頭踈曠久徙倚望原岡

送陳益瑞

朔風吹漆水送子返潯陽詎以離尊薄能紓別意長
江天澄霽雪衡浦下輕霜珍重風雲事重為吾道光
九月二十一日德清祭唐山先塋

先德名當世諸孫媿發祥松楸嚴守護享獻切羹墻
三載二千石十年一瓣香昂昂喜若弟足以見流芳
奉天別漁石司寇

臘日暖如春君歸謁紫宸一尊奉天酒千古五陵人
劍佩動邊遠風雲入夢新明時逢聖主令世浥清塵

九日

九日登高處令予感慨生呼童開美酒掃徑待良朋
勝地茱萸會名園桑梓情
侯相崖過草堂
蛙抱亭子落落愧東陵

不見湘崖久相思空自深何時同笑語此日費追尋
既有長房訣休為漁父吟佳期倘早訂掃石候松陰

出門

出門春色好滿目是娉婷
桃柳川原合烟霞岩谷平

无朋空載酒有興謾徵聲却笑劉夫子勞勞惟釀名
與呂子同步泝東望雍原次呂子韻

野興得茲丘勞君為我留青山圍碧戶斜日照滄洲
技薄明時棄情幽愜處遊共拚溪上醉此外復何求
許西別業同耿秀才儒叔弟河與呂子言別

高宴對佳人宮商柳外陳論心纔幾日傷別又三春
花滿漳川鳩人歸渭水津悲歌莫辭醉白髮看予新

對山集卷之十一

康對山先生集卷之十二

五言律詩

送熊彥卿使大同

車馬赴雲中
旌旗颭朔風
沙來宣府白
山過易州雄
右轄虛喉舌
東廳有異同
歸來如有奏
不待納言封
效賦觀妓

燭影標檀炆
人歡玳瑁筵
蛾眉羞寶黛
香頰稱金鈿
舞按梁州曲
歌依越國絃
十年滯王役
含愧彩雲邊
三月十日書懷

歸來方兩月
多病日深居
詎可登原麓
聊能問室廬

知交非舊約冠帶異新除慷慨慚崔湜常時醉里聞
送人從軍

陰雨暗山城長亭有客行好花隨處發劣馬逐群鳴
世愛文章士人輕俠少名莫須誇劍術西北久無征
六月三日聞 大行皇帝訃二首

楓陛初辭日威儀萬國瞻幾時違暇豫遽爾棄閭閻
天道雖憎秦皇心實履謙山陵知不遠東望淚沾沾

其二

遺詔頒何亟摧號萬國哀意勤章甫士春滿鳳凰臺
八表妖氛絕三天龍馭回深仁超古昔儲座有雄才

三原道中望秦世觀莊

霏霏雨沾蓋望望暮臨河村落行將徧牛羊下已多
素雲低漢樹彩鷁泛涇波却憶秦師道前年送我過

沔池逢友人

歲序催華髮相逢欲愴然故人俱得意吾子尚窮年
靜夜傳杯淺山城見臘先平生輕世者切莫歎迤邐
孟津樓子看河

畫棟接雲霄危樓依浪遙朔風千里黯殘雪幾時消
戎馬停邊檄憂勤極聖朝向來過渡處朋輩漸蕭條
鄴城逢敬夫

梓里君歸去相逢羨此行
睽違將四月談笑欲三更
沽酒銅臺市長歌漳水城
莫辭今夜醉辜負月華明
趙州道中見任敬之

玉勒紫驂騶青衫孤白裘
遠從長坂過喜見朔雲收
勝地瞻玄度明時遂壯游
期君同一醉含笑拭吳鉤
藥城逆旅

野寺春雲合遙岑雨欲翻
泉飛高拂樹石古遠依村
牧笛歸猶響蛙聲夜更喧
世無常范久此意向誰論
涿郡早發

星燦屋鷄鳴衝風出曉城
霜華林外見曙色馬頭生
家國三千里王畿十五程
楓衣明日見無限秦陵情

良鄉望

闕

樓閣倚雲霄河山萬國朝
百靈扶寶曆九葉仰神堯
侍從皆變契鈞衡陋管蕭
太平原有象吾欲被簫韶
勸段王二子飲酒

把酒對君飲深杯君莫辭
人生雙過鳥世事一遊絲
蕭相今無宅藥公謾有祠
欲將沉醉意日日與君期

贈王水部

一別忽三載風流似爾稀
書同王逸少句擬謝元暉
亭院微雲散簾籠皓月輝
何當板逸興相和杳忘歸

九日

去歲當茲日佳人玳瑁筵纖歌傳玉竿幽調襍冰絃
故國秋聲裡窮愁曉色前近聞饑饉事西望獨漣漣

送別

秋深君欲去相別憶年時濁酒臨星墅清歌近露池
英雄雙鬢改憔悴一心知珍重相如賦休為楚客悲

雨中簡王獻可

雨過西樓晚風來小院幽懷人空萬里撫景欲三秋
戎馬疆圉急租庸闕闐愁卧聞新詔寵真可答民憂
六月五日乘雨出滸西因邀用之觀山

雨申懷隱地郭外看青山但覺峰巒好因慚沮溺閒
烟川帶雄壘翠篠覆柴關為報揚夫子長歌共爾還
課耕

雨足禾前秀秋場行可盈綠雲隨處合蒼穗望中成
稗子過傳饁山妻漫煮菁何須向幽壑方是古先生
立冬

詔許還鄉里翩然罷遠思况逢立冬日是我服耕期
望氣風雲好占年稼穡宜便交輸醉飽遮莫似前時
飲酒

自從歸隱後日日有佳期白閣看雲坐清尊邀客持

已拚醒還醉那論醇與醜呼童語隣叟更向柳西陵
寄德克

許國心恒在含息意獨哀空叨金殿賞無補玉關頽
入骨慙知已終天負絕才都将霄漢志聊以寄尊壘
懷李獻吉二首

獨坐看山色長歌上夕臺秋空鴻鴈過露冷菊花開
汴水情人去茅山道士來明年遊五嶽期尔共邛杯

其二

不作雲車吏甘從漳汭遊看花開曲檻近水狎浮鷗
南國嚴夫子青門召隱侯棲身先有計長醉復何求

見霜

肅氣傳時令玄風來華門霜花一夜下木葉萬山翻
莫恠凋傷亟還應節序存誰將冰雪志持以報君恩
中夜獨坐有懷王大敬夫四首

中夜懷人遠蕭條獨爾思讜言能悟主長計是憂時
水國音書滯關河鴻鴈遲朔風樹雲意詎得使君知
一其二

日暮西城下同君意亦悲何曾憂鼎鑊只欲計安危
蹇碩雖遭醢洪恭尚未夷四方兵火急誰可任戡綏
其三

默默思先帝英明絕代無志惟驅虎豹心不計螭蚺
李廣居難托屠公去亦紆何當祛穢日先奔照乘珠
其四

漢中連楚蜀處處逃紅巾主將俱文士先鋒只武人
淺謀延鑛賊多馘盡山民辛苦輸糧子置器萬里塵
有懷楊三北山

北山有逸興相別已三秋漫對艸堂月閒群沙渚鷗
千峰黃葉下萬壑素雲流讀易聞餘暇何時放戴舟
喜聞何大粹夫抗疏論事因感述鄙懷

國步安危日群僚暇豫初忠臣能抗疏聖主亦停車

指顧摧餘孽淒涼感謫居泰陵息未報念此獨躊躇
夜宴觀妓

歌舞舊名家新聲為客誇亭中初縱酒座上欲烘霞
翡翠雙珠綴芙蓉七寶花歸時春月小含笑拂巾紗
將入城訪呂子

策馬赴孤城奔濤入瀨清夕陽雙樹豁佳氣半山橫
晚市慚供給新醪足款迎未瞻王子鳥已勝鮑君情
和呂子韓店道中之作

芳林黃鳥碎歸路柳風長並轡過村寺經春聞妙香
宵歌猶在耳晝別耿難忘願醉長寧驛同君賦海棠

孟夏十六日符上王吳慎之朱君樹三君子見
過因置酒坐亭上

亭上逢君晚花間憶昔遊粉香凝綺席歌吹入山樓
事往浮雲盡年過赴景收歡歌同此夕不羨習池秋
晚坐有懷王大敬夫

暝雲千里合夜色滿長簷微雨斜還密寒風乍復尖
秋花沾水濕夜鼓入更厭獨坐悲王粲荊州未可淹
有懷胡嘉定季思二首

不見胡生久清秋獨爾思幾年遷別駕何日上經帷
藤合題詩館花深洗硯池相携應有數不止慰吾私

其二

世跡淒涼久嗟予已暮年干戈齊魯急鉦鼓薊并懸
逝德無三益容身幸一廛知君搏勁翮飛動九秋天
逢楊咸陽云過鄆曾見王敬夫已至

美人聞已至傳報尚依違忽聽咸陽語真為梓里歸
行藏關世運歡笑溢庭闈與爾如連翼雲霄誰獨飛
將至岐山逢田父指楊子別業所在喜而有作
望襄揚雲宅相過及素秋問奇予不謬抱玉爾何求
山似輞川小花於金谷稠濁醪良夜永不必計更籌
揚子席上

十載賓朋盡影零獨有君酣歌惟我意解綬更誰群
第與園黃接名因雅頌聞幽林松桂發莫負北山文
自岐山還至扶風十里亭子為顯庸所邀

升車辭故好結幔望鄉關復值中林飲其如歸路艱
黃金銷白髮綠綬損朱顏自有長生訣何勞問九山
夜夢王大敬夫

五年無復見今夕夢中親總論文章士那知萋菲集
山林吾已熟風月尔何親不是借耕者誰憐抱玉人
再和東岡子席上二首

空堂相對夜已可慙幽尋漫興千卮酒雄談萬古心

朔雲簾外白寒漏月中深却笑東山子影影無此襟
京國相逢日惟君抱逸姿姦諛雖齒切神鬼却心知
露柳扶枝早寒花出葉遲馮君修健翻早上鳳凰池
送謝以中

才子出皇州青春愜壯遊一經承闕閱萬里見驂騑
水冷蒹葭浦天寒鷓鴣樓獨憐雙雁影含思入湖秋
慎之宅同諸公集

不到羅含宅今開濁酒危醉忘風露下坐待月華移
花朶明春檻山光接晝榻何須訪幽壑已可足襟期

詠松

千年成勁節萬壑抱幽情
偃蹇傲霜雪崢嶸隨晦明
欣留雙鶴影怒作九濤聲
苑李隨春艷何能及尔清
同慎之季醇及德清弟過故人陳三宅集率爾感懷二首

自笑山翁僻携琴到處遊
徵朋及夜飲選妓發新謳
列饌無佳味還耕有令謀
共君不盡醉行處是汾州

其二

愛客涕新醅狂歌醉益開
星河低綺戶絳燿發春臺
二仲同清暇雙娥博笑杯
桃花不相待明日許重來

雪中二首

坐愛此軒寂天風巧送寒
圍爐憐稚子酒笑儒冠

慷慨終成幻影零若可安
丈夫輕九鼎詎肯繫微官

其二

昔徃真兒戲今歸勝蚓蟠
一生尊酒是千古寸心難
著水冰花細當階雲氣漫
新詩諸弟在博得老夫歡

除夕

三十此時盡四旬明日來
行藏惟自保心事待誰開
望海鯨鯢滅瞻天星斗迴
丈夫有竒骨不可賤蒿萊

送牛允升訓導黔江

幽居無客到念尔莫何之
長缺果無效高才誰更知

黔江巴子國劍閣五丁祠未可辭漂泊窮通自有時
寄朱升之

朱君南國考清節近人稀欲作韓公事翻來賈豎譏
新詩窮自好公道晚應歸何日長沙去明時莫拂衣
送何子奇

邂逅長安後於今十六年風流常在念書札動難傳
往事浮雲盡行年逝景遷相逢君欲去無那莫春天
仁夫至得升之書率然興懷二首

雨中聞客至云是沈西津兩月空聞信三秋倏有神
閉門銷酷暑下榻為高人頗釀長罌酒當令共入唇

其二

維揚書札至展玩慰吾思為別既如此於人誰不悲
文章還自誤邪正有天知解紱尋高尚何勞泣路岐
贈少華隱者

宿性喜丘壑覽藉感前賢况當少華嶽復值清秋天
孤松向雲直歸翼入林便微君有佳思誰能閒盛年
晴

十月猶飛雨淒淒久未休浮雲依岫急野水抱村流
照檻明殘菊當軒豁醉眸逢人問場藿何可更淹留
聞箏

寶靨西隣女鳴箏傍玉臺秋風孤鶴唳落日百泉河
座客皆驚引行雲欲下來不知絃上曲清切為誰哀

此夜

此夜西堂靜哀吟燭半明間關懷令弟迢遞入山城
守為奸諛出名因坦率傾百年超忽是何似亟還耕

東渠

聞說東渠水魚龍伏上流但看推白浪長使沒滄洲
豈有風雲意應為偃蹇遊早知慚尺蠖何必嘆高秋

八月十二日夜見月

萬里秋雲淨遙瞻玉魄懸常時憂宿雨此夜見長天

近席光逾白當空影未圓明宵應更好誰賦峽江篇

十四夜奉長洲公翫月懷德克

開尊臨皓月選伎發清歌午夜豈足盡百杯仍未多
明蟾光燦爛碧樹影婆娑獨憶彭城使今宵誰與過

十五夜不見月

佳會忽如此當軒空自憐浮雲亦何意皓月故應圓
待景夜將曙鳴絃心更煎不知百年裏幾度見高縣

寄李宗易六首

為別動經歲相思無畢時情踪書札見憔悴夢魂知
泉石意常好風雲數或奇壯懷俱潦倒閒咏四愁詩

其二

每見岐陽守於君問訊頻
午風常醉客秋雨動傷神
林鳥翼已倦山麇性不馴
從來踈禮法豈是欲逃人

其三

許西多逸興日日白鷗來
種竹忽遮屋看山何用臺
有時調舞鶴終日醉春醅
何為蘇門客招邀不可迴

其四

往事人俱白貧居心亦安
常時携角妓尚肯戀微官
脫鳥死依壑沐猴非愛冠
不知棲宿久轉覺畏風湍

其五

憶昔同遊日踈狂欲上天
心將清瀚海志欲勒燕然
事去即長逝情乖難更遷
十年耕隴畝慷慨讓誰先

其六

此意包藏久因君偶誦之
襴衡原有託房琯豈無知
遂我山林樂從他貝錦詩
那思宵漢下仍有丈夫奇

午坐對雨

鳴雨夜不歇積陰秋正寒
此時當孤枕何日對層巒
免課鄒陽賦妻供枚乘餐
山城天又晚渡莫到更闌
得德克書有感四首

早聞前月莫爾駕欲西歸
今日重開牘連宵夢不違

風流自吾事偃蹇又誰非但有牀頭酒何憂未拂衣
其二

新來殊愛靜逖與太初遊吾弟能如此汝兄何更求
秋山紅葉細寒澗紫雲流共爾相斟酌還當到白頭
其三

用舍隨吾道行藏係彼蒼老夫渾不染時輩亦何狂
翠袖巴渝舞金杯蘭桂漿幾曾虞毀譽特恐太荒唐
其四

汝謫嘉州守峨嵋揖郡樓公餘饒作賦興起合乘舟
且愜追遊志休為萋菲憂前途天意遠身外即何求

八月二十二日明叔至訪予與舍弟德充東堂
宴集

故人遙問訊愛弟近來京共醉東堂酒還吹南華笙
親交俱落莫鹿豕豈逢迎不覺踈簾白蟾光下曉成
送慎之澤官荆門

知君惟我舊售玉嘆何遲自有長楊賦何勞湘瑟詩
老鯤須日化霖雨待春滋祖餞河橋上非為岐路悲
送曹二慎之赴寧夏二首

卿家良將子影泊已多年寃狀人皆白勲名天或憐
琯弓趨上郡寶馬過靈川莫羨黃金印宜陳度虜篇

其二

昨逢張給事新自夏城來細數推移力深知樞轄才
仇生猶列土曹仲况含瓌盛世無私曲憑君急早回
四月八日雷雨大作蓋自正月到此始聞雷聲
歲輿趨益夏此日始聞雷乍起聲猶咽方張勢忽迴
濃雲開更合微雨過還來真宰應無意吾心自百哀

對山集卷之十二

